

大清會典

六十五



| | | | |
|------|----|----|----|
| 內閣文庫 | | | |
| 函 | 冊 | 號 | 類 |
| 二四 | 一八 | 九九 | 漢書 |
| 一 | 一 | 一 | |

| | | | |
|------|----|----|----|
| 內閣文庫 | | | |
| 函 | 冊 | 號 | 類 |
| 二五 | 一八 | 九九 | 漢書 |
| 一 | 一 | 一 | |

| | | | |
|------|----------|------|--|
| 內閣文庫 | | | |
| 番號 | 漢 | 1899 | |
| 冊數 | 141(65) | | |
| 函號 | 295 | 1 | |




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







大清會典卷之七十二

禮

部二十
文庫

主客清吏司

郎中。員外郎。主事。分掌諸番朝貢。接待給賜之事。簡其譯伴。申其禁令。併提督會同館。凡官員賞賜。及各省土貢。亦隸焉。

朝貢通例

國家一統之盛。超邁前古。東西朔南。稱藩服奉朝貢者。不可勝數。凡蒙古部落。專設理藩院以統之。他若各番土司。並隸兵部。其屬於主客司會同館者。進貢之年有期。入朝之人有數。方物有

額。頒賞有等。茲以通例冠於前。而各國次序。以入貢之年爲先後云

崇德間定。凡歸順外國。俱頒

冊誥。授封爵。嗣後一應進奏文移。俱書

大清國年號。凡遇

聖節。元旦。冬至。具表

御前。進貢方物。具箋

中宮

東宮前。進貢方物。差官朝賀

順治間定。凡外國朝貢。以表文方物爲憑。該督

撫查照的實。方准具題入貢。○凡外國朝貢。繳送明季勅印者。聽地方官具題。○凡進貢員役。每次不得過百人。入京員役。止許二十人。餘皆留邊聽賞。其進貢船。不得過三隻。每船不得過百人。○凡貢使到京。所貢方物。會同館呈報禮部。提督該館司官。赴館查驗。分撥員役管領。該部奏

聞。貢物交進內務府。象交鑾儀衛。馬交上駟院。腰刀鹿皮青黍皮等物。交武備院。凡進硫黃者。留交該督撫收貯。○凡外國人送該督撫禮物。永行

禁止○凡外國船隻非係進貢之年無故私來貿易者該督撫卽行阻逐○凡外國進貢除定例船隻外其接貢探貢等船一槩阻回不許放入○凡正貢船未到護貢及探貢等船不准交易○凡外國貢使或在途病故禮部具題令內院撰祭文所在布政司備祭品遣堂官致祭一次仍置地塋立石封識若同來使臣自願帶回骸骨者聽若到京病故給棺木紅緞遣祠祭司官

諭祭兵部應付車輛人夫其應賞衣服緞疋等物

仍付同來使臣領回頒給若進貢從人在京病故者給棺木紅紬在途病故者聽其自行埋葬○凡貢使歸國例差司賓序班一員給勘合由驛遞伴送沿途防護促行不許停留騷擾及交易違禁貨物交明該撫卽還該督撫照例送出邊境

康熙三年定凡外國慕化來貢方物照其所進查收不拘舊例○五年題准凡外國奏疏不得交付遣往使臣帶來令專差官交該督撫轉奏○六年定凡外國投文到該督撫該督撫卽開

閱原文議題○凡督撫提督等官。不許擅自移
文外國○八年題准。凡外國進貢正副使。及定
額從人來京。沿途口糧。驛遞夫馬舟車。該督撫
照例給發。差官伴送。及兵丁護送到京。其貢使
回國。沿途口糧驛遞夫船。兵部給與勘合。其留
邊人役。該地方官照例給與食物。嚴加防守。候
貢使回國時。同送出境

朝貢一

朝鮮國

按朝鮮。卽高麗國。於諸番中効順
最先。有年貢。有節貢。歲以爲常。貢
道由鳳
凰城

崇德二年。

詔封朝鮮國王爲朝鮮國王。

賜龜鈕金印。給

誥命封王妻爲妃。王子爲世子。

賜裘帽貂皮鞍馬。一應慶賀大典。俱行貢獻禮。遣大

臣各官奉表。或有奏事。遣使抵界預稟守邊大
臣。詢明來由。開報來使職名人數。禮部奏准。令
兵部給發信票。移文守關官。禮部仍移文守邊
官迎接。撥人伴送。至東京筵宴一次。東京官撥
人送至

盛京。到日守關官驗票放入。遣大臣筵宴一次。人役安宿使館。各給食物。來使照奏表字樣呈禮部禮部官具奏。請

旨朝見。行禮畢。禮部堂官率領來使至衙門筵宴畢。設賞物於

大清門外案上。鳴贊官贊來使行三跪九叩頭禮。頒賞訖。又行三跪九叩頭禮。其回時。禮部堂官赴使館筵宴。兵部仍給信票。遣官伴送出關。守關官驗票放出。禮部撥官伴送到東京。筵宴一次。東京官撥人送至邊界。其來往沿途驛遞夫馬

車輛食物等項。俱照例給發。○凡朝鮮國一應事宜。不許越奏

御前。敘功等事。申吏部。地畝倉庫錢糧等事。申戶部。朝賀貢獻婚娶禮儀等事。申禮部。軍務逃盜等事。申兵部。詞訟首告等事。申刑部。修理城池邊關等事。申工部。今俱禮部議覆○凡內地人口。逃往朝鮮者。行文該國王查解。○凡

本朝人民。駕船被風飄至朝鮮境內者。令該國人解送。○三年。以封王謝

恩進貢。請

安進貢。謝封繼室進貢。請封長子進貢。○四年。賀捷進貢。所進方物。與三大節禮畧同。○順治五年。遣學士賚。

勅諭朝鮮王。所與奉使官員禮物。先已減免。今慮仍

煩百姓。再為酌減。永為定例。正使。銀五百兩。綿紬二百疋。布二百

疋。苧布六十疋。豹皮十張。大紙五十卷。小紙一百卷。獺皮三十張。青黍皮十五張。花蓆二十張。

鹿皮七張。順刃二口。小刀十把。被褥一副。靴襪各一雙。鞍馬一匹。閒馬一匹。副使。銀四百兩。

餘與正使同。一等人役。銀一百兩。綿紬四十疋。布一百疋。小紙八十卷。被褥一副。二等

人役。銀六十兩。綿紬二十六疋。布八十疋。小紙八十卷。被褥一副。三等

人役。銀四十兩。綿紬二十疋。布五十疋。小紙六十卷。被褥一副。 ○六年。朝鮮國王病故。告

訃進貢。○又題准。

賜謚。

諭祭。謚號祭文。內院撰擬。遣正副使二員。前往讀

文致祭一次。併行。

冊封禮。○是年十月。頒時憲曆日於朝鮮。○九年

定。朝鮮國每年進

聖誕節元旦禮物。俱獻

御前。冬至年貢及謝

恩禮物。俱具題。交送各衙門收貯。○朝鮮國人到時。

先行探問。如有機密情由。即密具奏。

聞○朝鮮國人來京貿易者奏

間。方准貿易○十年。朝鮮國遣王弟麟坪大君來朝。在部筵宴一次。在館筵宴二次。還日於朝陽門外館驛

賜宴一次。至三河縣。

賜宴一次。至山海關。

賜宴一次○十八年題准。朝鮮國王差四譯院正領曆。

恩宴一次。賞正使通事從人銀兩。於戶部移取給發○每年奉年貢一次。進

皇上前。慶賀

萬壽。元旦。冬至。三大節。進

皇上前

太皇太后前

皇太后前

東宮前禮物○來使回國。禮部差通事一員伴送。至山海關。移咨兵部。給與山海關鳳凰城路引。量撥官兵。護送至山海關。自關撥兵護送至鳳凰城。沿途口糧食物。亦移咨戶部光祿寺。照例給發○康熙二十五年。朝鮮國王差官賚進謝

恩禮物奉

諭。嗣後引罪謝恩進獻禮物。令停止

貢物

年貢

舊有麻布。布。水牛角。順刀。蘇木。胡椒。茶。後俱免進。其現貢物數。舊額尙多。歷經

黃金

一百兩

白銀

一千兩

白苧布

二百疋

各色綿紬

四百疋

各色木棉布

四千四百疋

五瓜龍蓆

二張

雜彩花蓆

二十張

豹皮

一百張

鹿皮

一百張

獺皮

四百張

青黍皮

三百張

腰刀

十把

大紙

二千卷

小紙

三千卷

米

一百包

萬壽元旦冬至三大節貢。

御前

各色苧布

三十疋

各色綿紬

萬壽七十疋元旦冬至各四十疋

龍紋蓆

二張

各色花蓆

萬壽元旦各六十張冬至八十張

豹皮

十張

白綿紙

二千卷

獺皮

惟萬壽節貢二十張

太皇太后前

螺鈿梳函 元旦冬至各一具

各色苧布 三十疋

各色綿紬 三十疋

各色花蓆 三十張

皇太后前 同前

皇后前 同前

皇太子前 惟元旦冬至貢

白苧布 十五疋

白綿紬 十疋

各色花蓆 四十張

豹皮 六張

白綿紙 五百卷

土魯番

按土魯番在陝西西北。順治三年進貢十三年定。貢期五年一次。貢道由陝西甘肅

順治三年。土魯番奉番文進貢○十三年。川陝總督奏稱土魯番向化入貢。禮部覆准。貢期五年一次。入貢人役不得過一百名。內留邊七十七名。起送赴京頭目。併從人三十名。有多帶者。該督撫令守邊道將禁止發回。貢使領賞後。許軍民人等入館交易。違禁之物。不許買賣。至甘鎮交易。令總兵官嚴禁。其經過地方。不許停留騷擾。赴京頭目。每日給行糧銀壹錢。從役。每名日支銀五分。留住甘肅者。每名支銀二分。貢使歸國。差司賓序班一員伴送。勒限送至該督處。該

督差官將留住甘肅狃彘。一併速令出邊

康熙十二年。土魯番遣使到京。具

表進貢。奉

諭。該國路途遙遠。進貢殊難。以後止着進貢馬匹玉石。其餘各物免進。以示軫念遠人之意。○二十年。

哈密土魯番。並五地。彘日。進小貢。先進番本西

馬。照例赴京。○又題准。土魯番地處遐荒。進貢

馬匹。沿途勞苦。嗣後停其進貢。止進玉石金剛

鑽。其帶來貨物。仍在會同館。照例貿易

貢物

舊有西馬。達馬。一峯駝。鴉虎。黑鷹。布。蒲。荀。羚羊角。磁砂。西弓。西氈。小刀。鞍。後俱免進

玉石 一 千 觔

金剛鑽 二 錢

琉球國

按大琉球。在東南海中。本有中山王。山南王。山北王。後惟中山王。世稱尚氏。順治六年。請貢。八年。進貢。定貢期二年一次。貢道由福建閩縣

順治六年。琉球國差官奉

表納款。○八年。琉球國差賚表官及通事到京。頒

勅諭一道。

諭該國將明季勅印繳換

即令差官賣去

○十一年。琉球國

王世子尚質。遣使奉表進貢方物。遵奉

勅諭。繳到明季頒給鍍金銀印一顆。襲封王爵。詔一

道。勅諭一道。

詔冊封國王世子尙質爲中山王。遣官冊封。

賜詔書一道。鍍金銀印一顆。令二年一貢。進貢人數不得過一百五十人。許正副使二員。從人十五名入京。餘俱留邊聽賞。

康熙三年。中山王遣使奉表謝。

恩進貢○四年。中山王遣使進獻香品。慶賀。

登極進貢。其貢物有在梅花港口。遭風飄溺者。奉

旨免其補進○五年。補進貢物。奉

旨發回○又令琉球國應進瑪瑙。烏木。降香。木香。象

牙。錫。速香。丁香。檀香。黃熟香等十件。不係土產。

免其進貢○又題准。琉球國進貢硫黃。應留福

建督撫收貯。餘所貢方物。令督撫差人解送。其

來使不必賚送到京。卽給賞遣回○六年。題准

貢使仍令賚表入

覲○八年。琉球國進貢耳目官到京。於常貢外加

進紅銅。及黑漆嵌螺茶碗○十年。琉球國世子

尙貞。差官進貢。於常貢外。加進鬚煙。番紙。蕉布

其被風飄失貢物。免其查議○十三年。琉球國

差官進貢。於常貢外。加進紅銅。及火爐。絲烟○

十八年。琉球國補進十七年貢物。除赴京存留官伴外。其餘員役。令先乘原船歸國。○二十年。琉球國遣使進貢奉

諭琉球國進貢方物。以後止令貢硫黃。海螺殼。紅銅。其餘不必進貢。○又中山王世子尙貞。奏請襲封。禮部題准。

賜勅承襲中山王。併賜卹故王銀。絹。祭文。膳黃。令來使賚往。○二十一年。遣官

冊封琉球國王。併

御書中山世土四字賜之。○二十二年。琉球國差耳

目官具表進貢。○二十三年。議准聽琉球國王

遣陪臣子弟入監讀書

貢物

舊有金銀罐。金銀粉匣。金銀酒海。泥金彩畫屏風。泥金扇。泥銀扇。畫扇。蕉布。苧布。紅花。胡椒。蘇木。腰刀。大刀。鎗。盛甲。鞍馬。絲綿。螺盤。後俱免進。○外有加貢物。無定額。

熟硫黃

一萬二千六百觔

海螺殼

三千個

紅銅

三千觔

荷蘭國

按荷蘭國。在東南海中。順治十年。請貢。十三年。進貢。貢期。初定八年一次。後改五年一次。貢道由廣東。今改由福建。

順治十年。荷蘭國遣使航海。請修朝貢。○十二年。廣東巡撫奏稱。荷蘭國遣使賚表文方物。請

貢禮部覆准。該督撫量差官員兵丁護送來京。其到京人數不得過二十名。仍令該督撫擇諳曉荷蘭語音三四人偕來。○十三年。荷蘭國貢使嚒嚒哦訖野哈哇噠等到京。宿會同館。進表一道。禮部覆准。五年一貢。道由廣東入。每次進貢員役不得過百人。入京員役止二十名。餘俱留在廣東。該地方道將嚴加防衛。俟進京人回。一同遣還本國。不得久在海濱奉

旨。荷蘭國慕義輸誠。航海修貢。念其道路險遠。着八年一次來朝。以示體恤遠人之意。○康熙二年。荷蘭國遣出海王統領兵船。至閩安鎮。助勦海逆。并請貿易。奉

旨。着二年來貿易一次。○三年。荷蘭國遣出海王助兵勦賊。克取廈門金門。頒

勅諭二道。遣禮部官員筆帖式。齎賞賚銀緞前往。同該督給付荷蘭國人帶歸。○五年。荷蘭國入貢貿易。奉

旨。荷蘭國既八年一貢。其二年貿易永着停止。○六年題准。荷蘭國違例。從福建來入貢。除今次不議外。嗣後遇進貢之年。務由廣東道入。別道不

許放進○二十五年議准。荷蘭國進貢之期原定八年一次。今該國王感被

皇仁。更請定期。應准五年一次。貿易處所。止許在廣

東福建兩省。完日即令回本國○又令荷蘭國

貢道。改由福建○又議准。荷蘭國道路險遠。航

海進貢艱辛。嗣後進貢方物。酌量減定

貢物

舊有銀盤。甲鞍。番花。桂皮。花被褥。毛纓。蓋。薇木。白石。畫。小車。白小牛。胡椒。織金緞。盛各樣油。小箱。腰刀。劍。羽緞。倭緞。布。琉璃燈。聚耀燭臺。琉璃盃。肉荳蔻。葡萄酒。象牙。皮帶。夾板。樣船。後俱免進。○外有貢使進獻無定額。

馬

珊瑚

鏡

哆囉羆

織金毯

啤吱緞

自鳴鐘

丁香

檀香

冰片

琥珀

鳥鎗

火石

安南國

按安南古交趾地。順治十八年。請貢。康熙二年。進貢。貢期。初定三年一次。後改六年兩貢。貢道由廣西憑祥州。

順治十八年。廣西巡撫奏稱安南國王黎維祺。

差官奉

表投誠。禮部題准。照琉球國例。頒賜

勅論一道。付差官賚捧還國。并賞給銀緞等物。○康熙二年。安南國遣使進貢。其貢期定爲三年一次。○又安南國王黎維祺病故。嗣王黎維禧具疏告哀。○三年。

恩賜諭祭銀絹。遣內院禮部官各一員。前往讀文致祭。○四年題准。安南國貢道。由廣西憑祥州起送。○五年。安南國王繳送僞永曆誥命一道。金印一顆。禮部題准。給與封典。照常朝貢。遣內院禮部官各一員。爲正副使前往。○又題准。該國

王給送奉使官路費銀絹布等物。令其收受。餘物概不准收受。○七年。安南國王差官歲貢。及奉謝

恩冊封。奉謝

賜卹奉敘。欵貢。各具奏疏。并乞將三年一貢之例。改爲六年兩貢。奉

旨允行。○又題准。安南國人員歸國。差司賓序班一員伴送。至廣西。交該撫差官護送出境。○十三年。安南國王黎維禧病故。嗣王黎維禔。具疏告哀。遣陪臣賚到康熙八年十一年歲貢方物。○

二十一年。安南國王嗣黎維禎差陪臣賚捧謝恩禮物。又差陪臣賚捧欵貢方物。又差陪臣賚捧康熙十四年歲貢方物。又差陪臣賚捧康熙十七年歲貢方物。○二十二年。

欽遣翰林院禮部官各一員。

賜郵政祭安南國故王。復遣翰林院官二員。

册封王嗣黎維禎為安南國王。

賜以誥命。并換給新鑄駝鈕鍍金銀印。

御書忠孝守邦四字賜之。

貢物

舊有白絹。降真香。白木香。中黑線香。後俱免進。

金香爐花瓶

四副

銀盆

十二個

沉香

九百六十兩

速香

二千三百六十八兩

象牙

二十枝

犀角

二十座

暹羅國

按暹羅本海南。暹與羅斛二國後并為一。順治十年。請貢。康熙三年。進貢。貢期。三年一次。貢道由廣東。

順治十年。廣東巡撫奏稱暹羅國遣使請貢。○

十六年。兩廣總督題准。暹羅再來探貢。所帶壓

船貨物。就地方交易。其抽丈船貨稅銀清册。移

送戶部察核。○康熙二年。暹羅正貢船二隻。行

至七洲海面。遇風飄失。止有護貢船一隻。來至

虎門。仍令遣回。○三年。暹羅國具表進貢。正貢二船。令員役二十名來京。補貢一船。令六人來京。○四年。暹羅進貢至京。禮部題定。貢期三年一次。貢道由廣東。○六年。暹羅進貢。正貢船一隻。護貢船一隻。載象船一隻。續發探貢船一隻。禮部覆准。進貢船不許過三隻。每船不許過百人。來京員役二十二名。其接貢船。探貢船。概不許放入。○七年。暹羅入貢。正使到京。其存留邊界稍日。給與口糧。○十二年。暹羅國王森列拍臘照古龍拍臘馬噶陸坤司由提呀菩埃進貢。并請封典。禮部題准。給與

誥命。並駝鈕鍍金銀印。貢使事畢。禮部堂司官員朝服在

午門前。恭設几案。鴻臚寺官引貢使等行三跪九叩頭禮。跪領

誥印。移咨該國王。令王出城恭迎

誥印。○又

諭。該國航海遠來。抒誠進貢。其蟲蛀短少等物。免令補進。○二十三年

諭。暹羅國進貢員役回國。有不能乘馬者。官給夫驍。

從人給損夫○又於伴送官外。特差禮部司官。筆

帖式。各一員護送

貢物 常貢外。例有加貢物。舊有孔雀龜。後令免進。

恭進

御前

龍涎香 一觔銀合裝

象牙 三百觔

西洋閃金花緞 六疋

胡椒 三百觔

藤黃 三百觔

荳蔻 三百觔

蘇木 三千觔

速香 三百觔

烏木 三百觔

大楓子 三百觔

金銀香 三百觔

皇后前 貢物並同。數目減半。

西洋國

按西洋。在西南海中。康熙六年進貢。因其地遠。貢期未定。貢道由廣東。今其人。有留居粵門者。

康熙六年。廣東巡撫奏稱西洋國遣官入貢正

貢船一隻。護貢船三隻○七年題准。西洋進貢

以後船不許過三隻。每船不許過百人○八年

題准。令正副使及從人二十二名來京。其留邊

人役。該地方官給與食物。仍加防守○九年。西

洋國貢使嗎噶叻薩喇噠噠到京。具

表進貢。賞賜筵宴畢。差司賓序班一員。伴送至廣東。交該督差官護送出境。○西洋國貢使瑪訥。撒爾達聶。行至江南山陽地方病故。禮部題准。內院撰祭文。所在布政司備祭品。遣本司堂官致祭一次。仍置地營葬。立石封識。若同來使臣願帶回骸骨。聽從其便。

康熙十七年。西洋國王阿豐肅遣使具

表進獅子來京。兵部給沿途口糧驛站夫船。禮部仍差官伴送至廣東。交該督撫差官護送出境。貢物

恭進

御前

國王像 一幅

金剛石飾金劍 柄一

金珀書箱 一座

珊瑚樹 一枝

珊瑚珠 一串

琥珀珠 六串

伽楠香 二段

哆囉羶 二疋

象牙 十枝

犀角 四隻

乳香 六桶

蘇合油 一桶

丁香 一籠

金銀乳香 二籠

花露 一箱

花幔 四端

花壇 一鋪

皇后前

大玻黎鏡 一面

珊瑚珠 一串

琥珀珠 十串


花露 一籠

丁香 一籠

金銀乳香 一籠

花幔 四端

花壇 一鋪



大清會典卷之七十二

